






2











# DECLARATIONS

<sup>no. 1.</sup>  
FAITES PAR LES CONSVLS  
& Habitans des villes de Castres,  
Montauban, Briateste, Pamiez, Puy-  
laurens, la Bastide S. Amand, & au-  
tres villes des Comtez d'Albigeois, de  
Lauraguais, & de Foix, sur leurs reso-  
lutions de demeurer en vne ferme  
obeyssance au seruice du Roy; Contre  
les armes & entreprises, tant du Roy  
de la grande Bretagne, que de celles  
du Duc de Rohan.

*Lesdites Declarations, sçauoir, celle de Castres  
du 22. Octobre 1627. de Montauban le  
12. de Briateste le 15. Pamiez le 18. Pui-  
laurens le 24. & la Bastide S. Amand  
le 4. Nouembre ensuiuant.*

Auec la lettre des Consuls de Montau-  
ban au Roy.

\*\*\*

A PARIS,

Chez ESTIENNE RICHER, en la rue  
S. Iean de Lattan à l'Arbre verdoyant:

*Auec priuilege.*

CASE


F

3-9

326

1627 CX





LES DECLARATIONS  
des Consuls & habitans des villes de  
Castres, Montauban, Briateste, Pa-  
miez, Puylaurens, la Bastide saint  
Amand, & autres villes des Comtez  
d'Albigeois, de Lauraguais, & de  
Foix, sur leurs résolutions de demeurer  
en vne ferme obeyssance au seruice du  
Roy; contre les armes & entreprises,  
tant du Roy de la grande Bretagne,  
que de celles du Duc de Rohan.

LE MERCVRE FRANCOIS  
A V LECTEUR.



LE Duc de Rohan a leué en Iuillet  
dernier pour la troisieme fois les  
armes contre son Roy, apres a-  
uoir receu de luy tant de nota-

bles biens-faits; Et inuité les Anglois  
par des esperances vaines aux despouilles  
du Royaume de France: Mais voyant les ef-

forts estrangers esloignez de succeds, & <sup>Intention des</sup>  
les siens sans fruit, le pretexte de Religion <sup>Roy pour l'ob-</sup>  
qu'il prenoit, aneanty par l'esclaircissement <sup>seruation des</sup>  
de l'intention de sa Majesté, (qui est, <sup>Edicts de Pa-</sup>  
<sup>De faire cification.</sup>

exactly executer ce qui est des Edicts de Pacification, faits par le feu Roy Henry le Grand son Pere, de tres glorieuse memoire : conseruer ses subiects de la Religion pret. Ref. en toutes les gratifications & concessions à eux octroyees, tant par ledit feu sieur Roy, que par sa Maieſté regnante : & receuoir en ses bonnes graces tous ceux qui se sont esloignez du denoir, mesme les habitans de la Rochelle, (combien que tous coupables) en renouant à iamais & de bonne foy à toutes correspondances & intelligences, dedans ou dehors le Royaume, ) Il a fait courir vn Libelle

Le Duc de Rohan publie contre verité, qu'il est assisté des principales villes du Languedoc en la prise de ses armes.

Villes principales du haut Languedoc qui ont detesté la prise de ses armes, & celles des Anglois, qu'il a incitez de venir attaquer la France.

en forme de Manifeste, qui se destruit de luy-mesme : Et pour rendre ses forces plus considerables, & tirer à foy par estonnement ceux que les couleurs foibles n'ont peu esmouuoir, il a non seulement de viue voix, mais par escrit publié, qu'il estoit assisté des principales villes du haut Languedoc, & sous ceste creance plusieurs se sont joints à luy. Pour combattre & destruire ceste faulseté publiee par ledit Duc, i'ay estimé estre à propos de donner au iour les resolutions d'obeyſſance ferme au seruice du Roy, avec detestation des armes Angloises & celles dudit Duc de Rohan, faites entre les mains de Mr. Galland Conſeiller du Roy en ses Conſeils Commissaire pour sa Maieſté en Languedoc, par les villes de Castres, Montauban, Puy-laurens, Soreze, S. Amand, Briateſte, & par celles de Pamiez, Mazeres, Sauerdun, Mas d'Azil, & Carlat au Comté de Foix, qui sont les villes principales du haut Languedoc, & de l'exemple desquelles dependent toutes les autres en la Prouince. Que si aucune de ces



villes se range cy. apres avec ledit Duc de Ro-  
 han par la force de ses armes, l'on pourra dire  
 qu'il possedera les murailles, non les ha-  
 bitans : les corps, non les esprits : comme <sup>Castelnau & Brassac desti-  
ruées de mu-  
nitions con-  
traites par  
le Duc de  
Rohan de se  
ranger à son  
party.</sup>  
 il luy est arriué à Castelnau & à Brassac,  
 qui se sont soubsmises à luy, destituees de mu-  
 nitions. Quant à la vallee de Mazamet, qui  
 n'est point fermee, elle a receu vne partie de  
 l'armee dudit Duc : mais deux iours apres elle  
 refusa le passage à vne brigade de 25. Maistres,  
 de la compagnie du sieur de Beaufort ; Et de-  
 puis par acte solennel a protesté, que ceste ren-  
 contre ne luy pourroit estre imputee. Les vil-  
 les de Realmont & Reuel ne luy sont point pa-  
 reillement assurees : elles luy ont esté soubmi-  
 ses par surprise & violence du peuple seduit,  
 contre les resolutions prises, & declarations  
 enuoyees à Monsieur le Commissaire, par les  
 Consuls & principaux Officiers deux iours  
 auparavant : Et est certain que toutes ces villes  
 ainsi desbauchees rentreront en l'obeyssance,  
 si tost que le Duc de Montmorency aura re-  
 cueilly des troupes, & qu'elles pourront tes-  
 moigner leurs sentiments en liberré.

La ville de Castres est en telle affiet-  
 tion enuers le Roy, & d'abhorrement des ar-  
 mes cōtraires que l'on n'en peut douter. Le 14.  
 Septembre & suiuaits, les Consuls & autres  
 personnaiges courageux & de toutes condi-  
 tiōs, meirent dehors le sieur de S. Germier Se-  
 neschal, & autres qui auoient coniuré de li-  
 urer & piller la ville : Elle est depuis demeuree  
 ferme, nonobstant les sollicitations & mena-

Le sieur de  
 S. Germier  
 Seneschal de  
 Castres, &  
 autres factio-  
 naires du  
 Duc de Ro-  
 han, mis hors  
 de Castres.

*L'entree dās  
Castres refu-  
see au Duc de  
Rohan, qui  
s'estoit pre-  
senté avec son  
armee à cinq  
cents pas de  
la ville pour  
y entrer.*

ces, & sans aucun estonnement : Les 29. & 30.  
du mois ensuiuant elle veit passer à cinq cents  
pas de ses murailles l'armee du Duc de Rohan,  
laquelle par la resolution des habitans, ( qui  
seuls conseruent le lieu de leur naissance, ou le  
depost de leurs fortunes ) fut contrainte de se  
retirer.

*Extrait des Actes & Deliberations du Conseil de  
la Maison Consulaire de Castres.*

Dv Vendredy 22. iour du mois d'Octobre  
1627. dans la Maison Consulaire de Castres,  
& Salle haulte du Diocese, Le Conseil general  
conuocqué au son de la grosse cloche, & de la  
trompette, assemblé & tenu pardeuant Mon-  
sieur M. Pierre de Lager, Conseiller du Roy,  
Iuge pour sa Majesté en ladite ville & Comté:  
Les Sieurs de Pierre Iean, Iean Ravely, & Iean  
Galiber Consuls de ladite ville presents & assi-  
stans: Messieurs M. Iean du Poncet Thresorier  
du Domaine du Roy, en ladite ville & Comté  
de Castres : Iean de Rimond Procureur du  
Roy en ladite ville & Comté: Nobles Samuël  
de Landes, & Iean de Landes Sieur de la Gas-  
carye, freres, Samuël de Bouffard Sieur de la  
Garrique, Iacques de Brissol, Iacques Seue-  
rat Docteurs & Aduocats, Iacques de Lespina-  
sse sieur de Lessac, & Dauid de Lespinaffe,  
freres, M. Pierre du Fos, Iean Malecart, Pier-  
re du Mas, Iean Leuesque, Antoine de Rotolp  
sieur de la Deueze, Abel de Rotolp sieur de  
Crespinel, Iean Verdier, Iean Portes, Pierre  
Bompar, Paul de la Banque, Simeon de la Fon-



tainé, Iean le Roy fleur de Crennat, Pierre  
Condomy, Iacques de la Remoire, Iean Rol-  
lande, Pierre Victoire, Pierre Vieu, Nicolas  
de Beille, Iean Cathale, Iacques Bernard, Sa-  
muël Barraue, tous Docteurs & Aduocats: M.  
Iozias de Fregeville, Iean Boail, Pierre la  
Caux, Abel Defos, & Iacques Defos, Do-  
cteurs en Medecine, Ieá Paileau fleur de Roc-  
quecaude, Iean de la Pierre, Iean Olies Bour-  
geois, Iean Olies fleur de la Fontaine, Iean Bi-  
sol fleur de Malcam, Iean de Thomas fleur de  
l'Isle, le Sieur de Pradech, Daniel de Ligo-  
nier, Iacob Raimond, Iean Vedelier, Iac-  
ques du Til, & Pierre Donadiou Capitaines:  
M. Daniel Monchastre Receueur des Tailles  
au Dioceze de Castres: Les Sieurs Michel Pe-  
lissier, Iean Bompar, Iean Baudier, Pierre  
Martin, Antoine Verdun, Procureurs, Isaac  
Bataillet, Iean Cayrol, Iean Villarut, Dauid  
Bonafoüet, Pierre Raully, Iean & André Ala-  
res freres, Bourgeois: Iean Bouscasse, Pierre  
Auque, Iean Dardene, Honoré de S. Marc,  
Iacques Guiraud, Pierre Gaches, Pierre Bouel,  
Bourgeois. M. Dauid Fremelho, Iacques A-  
gret, Iacques Lapruné, Daniel & Dauid Via-  
la, Noraires, Daniel Condomy & Salomon  
Bataille, Greffiers des Ordinaires, Iean Boys  
Greffier du Domaine du Roy, Iacques Clot,  
Daniel Roux, Iacques Puelz, Antoine Rai-  
naud, Abel Desplas, Iean Remond, Isaac  
Penauaire, Dauid de Tour, Iean Albert, Iean  
Picot, Isaac Benoist, Samuël Lapruné, Estien-  
ne Calmit, Iean Michel, Dominique, André,

Isaac freres, Iean Fourmos , Pierre Geoffret, Pierre Espardalier, Abel Deulhe Marchands, David Bozet Appoticaire, Iean Barthe Tailleur, Iean le Double orpheure, Zacharie Douzat cordónier, Robert Racine, & Moyse Couet Brodeurs, Iean Armengas, Iean Molinier, M. Michel Seueras, & Samuël Caliot Docteurs &. Aduocats: Noble Iean de Bouffard sieur de Madiane, Iacques la Baume sieur de la Langeyrie, Paul Carle , Daniel Viala, Notaires: M. Andomy , David Peroch , Pierre la Croix , & plusieurs autres habitans de ladite ville en grand nombre: Auquel Conseil apres la priere & inuocation du Nom de Dieu faicte par M. de Lozion Ministre.

Ledit Sieur de Pierre Iean second Consul, auoit dit, Qu'il auoit pleu au Roy, faire cét honneur aux Consuls & habitans de la presente ville de leur escrire vne lettre dattée à S. Germain en Laye le 7. Septembre dernier, qui leur a esté renduë par Monsieur Galand Conseiller du Roy en ses Conseils, & Procureur General de la Maison de Nauarre, dont la tenneur s'ensuit:

*Lettre du  
Roy aux Con-  
suls de Ca-  
stres.*

Chers & bien amez, Encore que par nos lettres de Declaration du mois d'Aoust dernier, qui ont esté publiées: Nos subjects de la Religion pretenduë reformée, ayent peu cognoistre nos bonnes & sincerés intentions, à l'endroit de ceux d'entr'eux qui demeureroient en la fidelité qu'ils nous doiuent, & que nostre conduicte leur donne assez d'assurance, que nous n'auôs pris les armes depuis quelque temps

temps, à autre effect que pour repousser par le fer l'iniuste agression que les Anglois ont entreprise en nostre Royaume, sans nulle cause ny fondement: Neantmoins desirant faire informer encore plus particulièrement nos subjects de l'estat des choses présentes, afin de ne les laisser surprendre aux pernicieux artifices qui sont employez pour les soustraire de leur devoir, Nous auons resolu d'enuoyer en nostre Prouince de Languedoc le sieur Galland Conseiller en nostre Conseil d'Estat, & Procureur general de la Maison de Nauarre, pour leur declarer nos intentions sur ce sujet, & luy auons particulièrement commandé de vous voir de nostre part, pour vous asseurer de l'exacte obseruation de nos Edicts, & des graces portees par iceux, à ceux de nos subjects qui se contiendront en obeyssance: Vous exhortant de perséuerer en la bonne resolution que nous scauons auoir esté par vous prise pour ce regard, & de vous monstrier sur les occasions presentes vrais François, tels que nous vous auons tousiours tenus; asseurez que vous nous trouuerez disposez à ce qui sera de vostre bien, repos & soulagement, ainsi que ledit sieur vous dira plus particulièrement de nostre part, auquel vous donnerez creance comme à Nous-mesmes.

De laquelle Lettre lecture ayant esté faicte, ledit sieur Pierre Iean Consul auroit requis la compagnie trouuer bon ledit sieur Galland estre prié de se transporter en ce lieu pour exposer sa creance: Ce qu'ayant esté resolu, &



*Ce que dit  
M<sup>se</sup>ieur Ga-  
land en l'As-  
semblee Con-  
sulaire de  
Castres.*

pour prier ledit sieur au nom du Conseil, & iceluy conduire & accompagner en ce lieu, ont esté priez & deputez deux desdits sieurs Consuls, & autres, tant Graduez que Bourgeois; par lesquels ayant esté ledit sieur accom-  
pagné, & pris le lieu & seance d'honneur ordinaire aux Commissaires enuoyez par sa Majesté, il auroit faict vn long & ample discours pour la reputation de ladite Lettre de creance, lequel se resoluoit à monstrier par raisons & par exemples les deuoirs des subiects enuers leur Roy: Non seulement pour la crainte, mais aussi pour la conscience; dedans lequel demeurans les habitans de ceste ville de Castres; comme ils en ont rendu, non seulement par escrit, mais par effect, des tesmoignages tres-grands, ils doiuent se promettre toutes sortes d'assistances du Roy: Et en cas d'esloignement, redouter toutes sortes de miseres, comme il leur est arriué pendant les mouuements precedents: Les a congratulez de leur resolution courageusement executee en l'esloignement de ceux qui auoient coniuré leur ruyne, avec dessein de se reuestir de leurs despouilles: Dict que la prise des armes du Roy auoit pour sujet iuste & necessaire le recouurement de l'Isle de Ré, en laquelle sans cause & demonstration de guerre, le Roy d'Angleterre s'estoit jetté; ce qu'il a confirmé par diuers discours. Que le pretexte de la Religion dont les partisans du Roy d'Angleterre s'efforcent de deceuoir les esprits foibles, estoit vne couleur faulse: L'Intention du Roy n'ayant



point esté iusqu'à maintenât d'alterer ses Edits, ou retrancher la liberté en l'exercice de la Religion, comme il a monstre par ses actions passees, ainsi que ledit sieur Galland remonstra l'an dernier en ce mesme lieu, qu'il ne veut repeter, Qu'en l'annee 1623. fut tenu vn Synode National, composé des Deputez de toutes les Prouinces du Royaume, aux portes de la ville capitale du Royaume aux yeux du Roy, le ressentiment estoit encores vif des ruynes arriuees par la subsistance de l'assemblée de la Rochelle, & neantmoins aucun des Deputez ne fut offensé de faict ny de parole; & le Roy pendant le temps de l'assemblée ne s'esloigna point de S. Germain en Laye, afin que sa presence retint le peuple en deuoir: Et l'an dernier fut tenu vn autre Synode National en ceste ville, auquel ledit sieur Galland assista pour le Roy comme au precedent; & ayant esté enuoyez des Deputez en Cour de la part du Synode, le Roy non seulement les receut avec humanité, mais vfa d'une munificence remarquable, ayât donné aux Deputez du Synode vne somme notable pour leur despenſe: Que depuis peu de mois il a assisté le Roy de Dannemarc d'hommes & de deniers: A renouuellé les Alliances avec les Pays bas, & leur a fait fournir la somme de cinq cens milliures: Dit que le Roy luy a donné charge de dire son Intention estre, de maintenir & conseruer dans l'observation des Edicts ses subjets de la Religion pret. Ref. qui demeureront dans le deuoir; esloignez de toutes intelligences, correspondances, tant de

dans que dehors le Royaume, mesme avec les Anglois : Et d'autant que plusieurs familles de la Prouince de Languedoc sont troubles, sous couleur des modifications apportees à la verification de l'Edict de Montpellier par le Parlement de Tholose, le Roy luy a commandé de dire qu'il veut les modifications estre leuees, fera expedier toutes lettres necessaires à cét effect; Et en cas de longueur, accordera évocation en son Conseil des causes dont il sera requis, ou fera recevoir les expediens qui seront trouvez à propos : A chargé pareillement de moyenner enuers Monsieur de Camynade President au Parlement, de travailler à l'establissement de l'exercice de la Religion, des Cimetieres & des Temples, suivant les Edicts; dont ayant conféré avec ledit sieur President, il luy auroit déclaré estre prest d'y travailler, toutesfois & quantes, & en tels lieux qu'il sera aduisé par la consideration du temps : Que l'armee deuât la Rochelle ne regardoit en rien la Religion, n'ayant sa Maiesté autre but que d'empescher les sollicitations trop frequentes en ladite ville par les Anglois, & retenir par son voisinage la licence des factieux de ladite ville : Que la ville de la Rochelle autresfois tres-fidelle, ayant degeneré en ces derniers temps, secouroit l'Anglois de viures & de munitions, receu leurs malades & blesez, (combien que ces actions soient punissables par la rigueur des Loix) ce neantmoins sa Maiesté ne vouloit pas leur dénier son indulgence; Il scait que la ville de la Rochelle, qui est maritime,



est compoſee d'hommes de diuerſes ſortes de mœurs & humeurs ; les vns gens de moyens, pourueus de charges, nourris au trafic, aiment la paix, ont en horreur le changement ; les autres pauures preſſez du payement de leurs dettes, auſquels la vie eſt à charge, n'ont eſperance de reſtablir leur fortune particuliere qu'en la ruyne publique, n'ont repos qu'aux mouuements : Ce ſont ceux qui agitent la ville, à l'occafion deſquels il n'eſt pas raifonnable (ſi faire ſe peut) que les gens de bien tombent en ruyne : Et a charge de ſa Maieſté de dire, Que quand les Rochelois ſe remettront en leur deuoir, donneront teſmoignage de leur obeyſſance entiere, & de renonciation aux intelligences & conſpirations avec les eſtrangers, il les receura en ſes bonnes graces, avec oubliance du paſſé. Et d'autant que par diuers diſcours l'on s'eſt efforcé à ſeduire les peuples pour les obliger à ſeconder les armes du Roy d'Angleterre : Dit, qu'outre le poinct de conſeruation, par prudence & confederation humaine, elles doiuent eſtre refuſées : Car pour elluder les ſujets de plaincte de la part du Roy, pour le deffault d'execution de diuers articles importants, ſans ſujet & demonſtration de guerre, Le Roy d'Angleterre s'eſt jetté dans l'Iſle de Ré, en laquelle iuſqu'à preſent, il n'a fait aucun progrez, & ne s'en peut promettre, la place eſtant garnie d'hommes & munitions ſuffiſantes pour ſa cōſeruation : Que par le moyen des armes de ſa Maieſté, l'Anglois ſera contraint ſe retirer, ou ſera combattu, meſ-

mes par les vents qui ne peuuent plus long-temps laisser les nauires à l'ancre: Que quand les Anglois auroient quelque aduantage en ceste Isle, les Eglises de la Prouince de Languedoc ne s'en peuuent promettre de l'aduantage, veu la distance & l'esloignement, & la qualité des secours estrangers qui sont tardifs & de peu de durée: Quela jonction à laquelle sont inuitées les Eglises, porte avec soy vne hainé generale contre ceux de la Religion, voire la ruine entiere des Eglises; Ce qu'il a confirmé par diuerses raisons: Exhortant ledit Sieur Gallad lesdits habitas de demeurer fermes aux resolutions par eux cy-deuant prises, attachez avec le Roy, cōme les membres avec le corps, les branches avec la tige, ne se point esloigner du deuoir & respect; En quoy faisant, le Roy les embrassera comme ses bons subjects, & ses enfans, & les conseruera en la jouyssances des Edicts de pacification & autres gratifications à eux accordez.

*La Responce  
que le Iuge  
de Castres fit  
au nom de la  
Ville.*

Ce qu'ayant esté representé par ledit sieur Galand, Monsieur M. Pierre de Bachet Iuge pour sa Majesté en la ville & Comté de Castres, au nom de toute la Communauté presente & respondant audit Sieur, a dit, Que la ville se ressent tres-obligée à sa Majesté, de sa souuenance, & des Lettres dont il luy a pleu l'honorer, & de l'enuoy dudit Sieur Galland, dont l'affection au bien public & au sien particulier leur est cognuë, Que ce leur est vne tres-grande satisfaction d'auoir denoncé la volon-  
té & commandement de sa Majesté par les di-



uerses & reïterées deliberations generales  
 prises en ce corps de ville, de se maintenir &  
 conseruer inuiolablement dans la tres-hum-  
 ble subjection, fidelité & obeïssance du Roy:  
 A quoy elle estimoit auoir respondu par tou-  
 tes ses actions & fidelles déportements dont  
 l'effort qu'elle a fait le 14. de ce mois en jettant  
 & mettant hors ceux qui auoient resolu de  
 mettre ceste ville entre les mains de Monsieur  
 de Rohan; & la destourner par ce moyen de  
 l'obeyssance du Roy, feroient vn evident &  
 irreprochable tesmoignage, ausquelles elle  
 persiste & proteste de ne s'en départir iamais  
 pour quelque occasion que ce soit: Ayans par  
 les susdites deliberations desaduouié, (comme  
 ils font encores de present) les armes Angloi-  
 ses qui paroissent en France, & celles de Mon-  
 sieur de Rohan, & de tous ses adherants qui  
 s'y sont joincts, comme tendants à la ruine &  
 subversion de cest Estat, pour la conseruation  
 duquel, Elle offre d'employer tout ce qui des-  
 pend de son pouuoir, sans espargner leurs pro-  
 pres vies, comme tous les habitans desdites  
 villes tesmoigneront plus suffisamment à sa  
 Majesté en toutes les occasions qu'il aura a-  
 greable de les honorer de ses cōmandemens:  
 Laquelle aussi ils, supplient tres-humblement,  
 de vouloir suiuant ses Edicts & Declarations  
 faire jouyr ses subjects de la Religion du bene-  
 fice d'iceux, faire leuer & oster les modifica-  
 tions faictes par le Parlement de Tholoze à la  
 Declaration du mois de Mars 1626. de faire  
 cesser le pretexte des plainctes qu'on faict de

toutes parts pour raison des inexecutions desdits Edicts & Declarations ; singulierement pour l'exclusion de ceux de ladite Religion aux charges & offices , contre la teneur de l'Edict de Nâtes, & autres articles cōtenus aux susdits Edicts & Declarations, dont les Manifestes que l'on publie par tout le Royaume sont remplis, sans parler de ce qui touche l'estat particulier de ceste ville, concernant le reſtabliſſement de la Chambre del'Edict en icelle. La reuocation des Arrests donnez au Conseil au profit des Chartreux , contre leſdits Edicts & Declarations, & les Reſponſes faiçtes au Cahier particulier de ceste ville , qu'ils n'entendent point reueiller pour le preſent , pour faire voir à ſa Maieſté que leur perſeuerance en la fidelité qu'ils luy doiuent n'a pour but que le bien de ſon ſeruiſe , auquel ils ſe recognoiſſent obligez par leur naiſſance, & par les ſentiments de leur conſcience. Et au ſurplus , qu'ils remercioient tres-humblement ledit ſieur Galland des offres d'aſſiſtance & amitié qu'il a faiçte enuers ceste Communauté , le ſupplians vouloir continuer les effets de ſa bonne volonté & bienueillance ; & en reuanche , elle luy offre ſon plus humble & tres-affectonné ſeruiſe.

Ainſi propoſé , conclud , & arreſté ; En foy dequoy , ie Iean du Mas Notaire & Greffier de ladite Maiſon Conſulaire , preſent à tout ce que deſſus , me ſuis cy ſoubs-ſigné. Ainſi ſigné, du Mas Notaire & Greffier.

*Déclaration*

*Declaration des Consuls de Montauban faite en la  
Maison de Ville, assemblee en Conseil General.*

L'an 1627. & le 12. iour du mois d'Octobre,  
dans la Maison de Ville dudit Montauban  
estans assemblez en Conseil general, Messieurs  
Descorbiac Lieutenant general sieur de Pi-  
chels, les sieurs de la Boissonnade, Arbussy, &  
Solerme, Consuls: Messieurs le Clerc Asses-  
seur Criminel, Constans, de la Lauze, Descor-  
biac, & Petit, Conseillers & Magistrats au Se-  
neschal: De Riempeyvous Aduocat du Roy;  
de Garisson Procureur du Roy, E. Brassard,  
Rocques, Noalhan, Burgades, Auzin, Baille;  
Constans Syndic, G. Constans Docteurs & Ad-  
uocats, de Sonny Docteur en Medecine: Et  
Messieurs la Beriche Bourgeois, Sainctyclers,  
Boigion, Pages, Reste, Tyeys, Yuard, Ville-  
neufue, Notaires Royaux, & Procureurs:  
Belleprat, Alric, Chappichon, Tombelles,  
Chambard, & Franchy, & autres en grand  
nombre, tous habitans dudit Montauban.

Les sieurs Consuls par l'organe dudit sieur  
de la Boissonnade premier Consul auroient fait  
entendre, que Monsieur Galland Conseiller  
du Roy en son Conseil d'Estat estoit arrivee en  
cette ville, lequel auroit rendu ausdits sieurs  
Consuls vne Lettre de sa Maisté, dattee de S.  
Germain en Laye le 7. Septembre dernier, con-  
tenant creance, de laquelle a esté faite lecture  
audit Conseil. Apres que ladite Lettre a esté  
leüe, ledit sieur premier Consul auroit repre-  
senté, s'il ne seroit pas à propos que quelques-



vns de ce Conseil fussent priez d'aller vers ledit sieur Galland, avec quelques-vns desdits sieurs Consuls, pour le supplier de vouloir se transporter audit Conseil, pour leur faire l'honneur de leur exposer sa creance.

Surquoy ledit sieur Lieutenant general presidant audit Conseil, a esté d'aduis que puitque trois de Messieurs les Consuls sont aux champs, & qu'il n'en reste que trois dans le Conseil, que deux d'iceux, avec six de Messieurs du Conseil, doivent aller supplier ledit sieur Galland de se vouloir transporter audit Conseil, pour y exposer sa creance; Duquel aduis tous les Sieurs du Conseil ont esté: Suivant lequel a esté conclud vnanimement par ledit Sieur Lieutenant general que Messieurs les Consuls Arbussy & Solerne, & Messieurs de Brassard, Rocques, Ausin, Constans Syndic, Baille Aduocats, & iroient prendre ledit Sieur Galland en son logis pour l'accompagner en ce Conseil; & qu'ils auroient aussi la charge de le reconduire à son logis, lesquels sont à l'instant partis.

Peu apres seroit venu audit Conseil ledict Sieur Galland, avec lesdits Sieurs Consuls, & lesdits Sieurs Deputez vers luy, lequel apres auoir pris la place qu'a accoustumé de tenir celuy qui preside ausdits Conseils, auroit exposé la creance qu'il auoit de sa Majesté, & faict vn tres-beau discours, contenant en substance, Que le Roy estoit tres-satisfait des deportements des habitans de ceste ville, sur ce qu'ils s'estoient conseruez dans son o-

*Ce que dit  
M. Galland  
en l'Assemblée  
du Conseil  
general  
tenue dans la  
prison de  
ville de Môt-  
auban.*



beissance, auroit exhorté les habitans à y perséuerer avec assurance que sa Majesté estoit resoluë de rendre effectuellement jouyssans tous les subjects de la Religion, qui se cōtiendront dans leur deuoir, de toutes les graces & concessions que sa Majesté leur auoit accordees: Et parce qu'il scauoit que plusieurs de ceste Prouince sont grandement interessez à ce que les modifications faites par le Parlemēt de Tholose soient leuées, qu'il auoit charge de sa Majesté d'asseurer les habitans de ceste ville, & tous autres de la Religion qui vinoient dans son obeissance, que sa Majesté feroit leuer toutes ces modifications, & feroit executer entierement la derniere declaration de la paix, concernant le restablissement de l'exercice de la Religion, suiuant les Ediëts & restitution des Temples & Cimetieres, & autres choses qui leur demeuēt adjudgées par lesdicts Ediëts de pacification: Auroit aussi discours amplement & avec eloquence du sujet de la prise des armes du Roy, & de celuy de son approche vers la Rochelle, tesmoignant quel'intention de sa Majesté n'est autre que d'empeschere que le Roy d'Angleterre ne puisse prendre aucun aduantage dans les terres de ce Royaume, & que ce n'est point pour en rien prejudicier à ceux de la Religion qui demeueroient dās leur deuoir, lesquels sa Majesté protegera comme vn Pere ses enfans: Auroit ledict Sieur representé fort dignement les biens & aduantages que ceux de la Religion peuuent esperer de sa Majesté en la perséuerance de leur fidelité,

au lieu qu'ils ne peuuent attendre que leur ruine en s'en departant : Et pour son particulier, il auroit offert, qu'en tout ce qu'on iugeroit son entremise necessaire vers le Roy, ou Messieurs les Commissaires executeurs de l'Edict, auxquels il auroit ordre de parler, pour accélérer l'exécution dudit Edict, qu'il offroit d'y servir ceste Communauté de tout son pouuoir.

*Ce que dit le Lieutenant general de Montauban en ladice Assemblée.* Surquoy ledit Sieur Lieutenant general au nom de toute ladite ville auroit dit audit Sieur Galland, Que ceste Cōmunauté se reconnoissoit infiniment obligee de l'honneur qu'il plaisoit à sa Majesté luy faire de l'asseurer de ses bonnes volonte, tant par la Lettre dont il luy a pleu honorer ceste ville, que de l'enuoy qu'il luy a pleu faire de sa personne, que tous les habitans prisent & honorent infiniment, l'auroit remercié tres-humblement des offres qu'il luy a pleu faire à ceste Communauté, sur lesquelles si ledit sieur Galland trouue bon que la Compagnie delibere.

Ledit sieur Galland auroit dit, qu'il s'en alloit retirer chez luy, & attendroit la resolution de la Compagnie, & à l'instant lesdits sieurs Consuls & Deputez qui auoient esté le prendre à son logis l'y auroient reconduit.

*Declaration de ladite Assemblée.* Lesdits sieurs Consuls & Deputez du Conseil estans bien-tost apres reuenus, le Conseil ayant deliberé sur le sujet de la Lettre rendue par ledit sieur Galland de sa Majesté, & sur les offres dudit sieur Galland, il a esté vnanimemēt

conclud & arresté que Messieurs les Consuls feront responce à la Lettre du Roy la plus respectueuse que faire se pourra, pour luy tesmoigner nostre perseuerance ferme en la tres-humble submission & tres-fidelle obeyssance que nous desirons rendre à sa Majesté, suiuant les deliberations que nous auons cy-deuant prises sur ce sujet, desquelles nous ne nous departirons iamais, (*qui sont, De demeurer fermés au service du Roy: S'opposer tant à M. de Rohan, que tous autres qui voudront entreprendre sur l'Estat: & Detester & abhorrer les armes du Roy d'Angleterre.*) Et que sa Majesté sera tres-humblement remerciée des resmoignages qu'il luy plaist nous donner de sa bienveillance par l'enuoy qu'elle a voulu nous faire de la personne de Monsieur Galland, qui nous a esté d'autant plus agreable, tant à cause de ses merites & de sa valeur, que pour la grande affection que nous auons tousiours recognuë en luy au service de sa Majesté. Et que la Lettre qui sera escrite à sa Majesté sera deliuree audit sieur Galland, afin que par son ordre la Responce à la Lettre qu'il a renduë à Messieurs les Consuls puisse estre renduë à sadite Majesté. Et quant aux offres qu'il luy a pleu nous faire, Messieurs les Consuls & lesdits sieurs Deputez qui ont esté vers ledit sieur sont encores priez d'aller vers luy pour le supplier tres humblement de se vouloir employer, à ce que les modifications faictes par le Parlement de Tholose à la Declaration de la Paix soient leues, & que les Commissaires deputez par le Roy pour l'execution de l'Edit



marchent promptement dans les Prouinces, pour proceder à ladite execution: car ce seroit vn moyen pour faire cesser les mescontentements, & vn appuy ferme à l'affermissement de la Paix. Signé, La Boiulsonnade Consul, Arbussi Consul, Bardeau Consul, La Caze Consul, Solerme Consul: Et plus bas, du mandement desdits sieurs Consuls, Diacez Notaire Royal & Secrétaire.

*Lettre des Consuls de Montauban, au Roy.*

SIRE, Nous prenons à tres-grād honneur la lettre que vostre Majesté nous a fait rendre le 12. d'Octobre par les mains de M<sup>se</sup>ur Garland, l'un de vos Conseillers d'Etat: & nous sommes infiniment résiouys que par l'entremise de ce Personnage duquel le Ministère nous est grandemét agreable, elle ait encore daigné nous informer si plainement de la sincerité de ses affections enuers nous, & de la resolution qu'elle a prise de se monstrier ferme & constante en la conformité des Royales promesses de sa grace à nous accordées: La confiance que nous prenons en l'exposition particuliere qu'il nous a fait de sa creance, nous a fait esperer à la fin l'entiere & pleine jouissance des concessions & graces à nous accordées par les Edicts & Declarations de vostre Majesté, & nous oblige à luy rédre graces tres-humbles du soin particulier qu'elle a pris de nous exhorter à demeurer inuiolables en la fidelité du bien de son seruice: A quoy la force de nostre inclination nous faict aduancer avec tant d'ardeur, que

nous produirons des effects qui feront voir à vostre Majesté la resolution que nous auons prise de nous opposer à tous mouuemens contraires à nos sentimens, qui feront tousiours que sans nous diuertir d'aucun de nos respects & deuoirs naturels, elle nous treuuera tousiours vnis dans la tres humble & tres-fidelle subjection que nous luy deuons rendre inuio-  
lablement SIRE, A Montauban ce 14. Octobre 1627. Vos tres-humbles & tres-obeissans  
sujets & tres-fidelles seruiteurs les Consuls de  
de la ville de Montauban, A. Boissonnade, Cō-  
sul. A. Rouffi, Consul. Bardeau, Consul. La  
Caze, Consul. Solerme l'aîné.

*Lettre des Consuls de Montauban, à ceux  
de Castres.*

MESSIEURS, Nous auons reçu deux des  
vostres en mesme tēps de la main de Monsieur  
Garissoles, & nous sommes infinimēt resiouys  
de la ferme resolution qui est en vous de demeu-  
rer vnis avec nous en la conformité des delibe-  
rations cy deuant prises sur les occurrences du  
temps : Nous vous assurons bien de nostre  
part que nous serōs si fort alienez de toutes fa-  
ctions & menees qui tendent à desbaucher les  
Peuples de la fidelité du seruice du Roy, que  
pour en arrester les mouuemens & progrez  
nous contribuerons tousiours volontiers  
tout ce que nous auons de vigueur & de force:  
l'apprehension d'estre accueillis de semblables  
calamitez à celles du passé qui nous ont pres-  
que reduits au dernier poinct de l'impuissance,

nous a fait profiter de l'exhortation qui nous fut hier faite publiquement de la part du Roy par Monsieur Galland, l'un de ses Conseillers d'Estat: A la suite de laquelle nos precedentes resolutions en ce qui concerne le bien de son service, furent confirmées & corroborées par cette dernière, de laquelle nous luy fîmes acte. Nous esperons que par vostre exemple & le nostre, & le surplus des Eglises en la correspondance des nôtres, se fortifieront en la conformité de nos sentimens. Nous prions Dieu qu'il vueille benir le soing que vous prenez d'assembler les Eglises de vostre Colloque, & de celuy de Lauraguais: Si Monsieur d'Espernon nous eust donc la permission comme vous l'attendez du Gouverneur de vostre Prouince, nous y eussions enuoyé nos Deputés pour vous assurer de parole ce que nous escriuons: Mais ledit Sieur d'Espernon est si jaloux de ce qui regarde l'autorité de sa charge, que nous n'oserions entreprendre de faire partie d'un corps d'Assemblée sans son consentement & adieu pteallable. Messieurs de Milhau, nous escriuoient du second de ce mois, & nous donnoient assurance de leur persuerance avec resolution inuiolable dans l'obeissance du Roy, à quoy nous les exhortames encore par réponse à leurs lettres, & les priasmes de nous faire sçauoir par Messager exprez à nos despens, quelle estoit la licence & desbauche des peuples des Seuennes & bas Languedoc, afin que par la cognoissance de ce de sbord nous soyons preparez pour nous opposer à leurs mouue-

mens



ments au cas qu'il y eust danger aucun que le mal s'approchast de nous. Nous en attendons des nouuelles, & vous supplions de croire que nous sommes, &c.

*Declaration des Consuls & habitans de Briateste.*

L'an 1627. & le 15. iour du mois d'Octobre dans la Maison Consulaire de Briateste, ont esté assemblez en Conseil general aux formes accoustumées, Daniel Amiel, Iean Framelhe, & Pierre Viguiier, Consuls de ladite Ville: Maître Iacques Rouger, & Gillys Fossat, Syndics: Noble Paul de Garrigues sieur du Puy, Messieurs Iacques Gualy, Pierre Lagarde, Estienne Delpas, Pierre Pellisson, Bourgeois: Messieurs David Garrigues, & Helie Salauy, Aduocats: Pierre Salauy, Paul Alignier, Iean Boufil, Pierre Courbiere: Messieurs Pierre Iourde, & Pierre Audoy, Aduocats: David Amiel, Paul Pellisson, Iean Amiel Cordonnier, Helie Delpas, Arnaud Gentou, Samuel Garrigues, Anthoine Iourde, Noé Viguiier, Anthoine Coste, Iean Fulher, Iacques la Rochelle, Pierre Venes, Gedeon Montagur, Iean Garrigues, Isaac Daures, Iean Viguiier, Potier, Abel Villabonnes, Abel Pastoury, Isaac Viguiier, Iean Poujol, Pierre Rabary, Estienne Douladouire, Pierre Gautran, Iacques la Rochelle fils, de Brumier, Iacques Puïel, Loth Puïel, Pierre Pellisson, Pierre Pouzol, Helie Mialhe, Dominique Miquel, Adam Marignol, Iean & Pierre Amelez freres, & autres.

Ausquels apres l'inuocation du nom de

D

Dieu, lesdits sieurs Consuls par la bouche dudit Amiel, ont proposé qu'ils ont receu ce iourd'huy Lettre du Roy, qui leura esté delivree par Monsieur Galland Conseiller du Roy en son Conseil d'Estat, en datte du 16. Septembre dernier, par laquelle sa Majesté les assure de les maintenir en repos & tranquillité publique sous le benefice de ses Edicts, en se contenant en la fidelité & subjection que les vrais & naturels François sont obligez luy rendre, comme plus particulièrement est contenu en ladite Lettre, contenant d'adiouster foy & creance à ce que ledit sieur Galland dira de la part de sa Majesté.

De laquelle Lettre ayant fait lecture, a esté arresté de prier ledit sieur Galland de vouloir prendre la peine de venir en ceste Compagnie pour exposer sa creance: Ce qu'ayant esté fait, & iceluy ouy en ladite creance, a fait entendre l'Intention du Roy, N'estre autre que de maintenir ses subjets de la Religion pretendue Reformee suivant le benefice de ses Edicts de Pacification, en se comportant dans l'obeyssance que ses vrais subjets luy doiuent, à quoy il a exhorté lesdits Consuls & habitans.

Là-dessus eue deliberation, a esté conclud, arresté & déclaré, Que la presente ville n'a point adheré, ny ne veut adherer à ceux qui dedans ou dehors le Royaume raschent par leurs factions & artifices d'alterer la paix, repos, & tranquillité publique dont ce Royaume jouyt par la grace de Dieu & bonté du Roy; declarans se vouloir maintenir fermes en la tres-



humble subiectiō, fidelité & obeïſſance qu'il le doit au Roy ſous le bénéfice de ſes Edicts: proteſtant ne s'en départir iamais, pour quelle cauſe & pretexte que ce ſoit: & de s'opposer à ceux qui voudroient troubler le ſervice de ſa Maieſté, & la tranquillité publique: leur courre ſus, comme perturbateurs du repos public, & ennemis de l'Eſtat les prendre & ſaiſir pour les remettre entre les mains de la Juſtice: Ayans tous promis & iuré ſolennellement d'obſeruer ladite deliberation, & ne s'en departir point: Donnant pouuoir & puissance auſdits Cōſuls & Sindics, de faire toutes pourſuittes requiſes & neceſſaires contre tous ceux qui contrenuendront aux Edicts du Roy en toutes Cours où beſoin ſera: Promettant en outre, & tous en particulier, de reveler & deferer en Juſtice tous ceux qui voudroient les perſuader à faire choſes contraires à la preſente deliberation, chargeant leſdits Conſuls de la faire ſigner & ratifier aux abſens. Et d'autant que pluſieurs habitans de ceſte ville ſont troublez & moleſtez par les Officiers & Domestiques du ſieur Comte d'Aubijoux, pour les actions faiçtes pendant les derniers troubles, qui demeurent abolis par les Edicts de Pacification, & qui ſous pretexte de Juſtice les conſtituent priſonniers en vertu de certains decrets par eux laxeز au nom de quelques perſonnes incognuës, pluſtoſt pour mal traicter que les en pourſuiure en Juſtice, a eſté arreſté que ledit ſieur Galland ſera ſupplié d'interceder pour eux enuers le Roy pour faire ceſſer



telles oppressions, & que lesdits habitans puissent jouyr du benefice des Edicts: & le prier aussi d'en escrire audit sieur Comte, afin qu'il empesche telles oppressions. En foy & resmoignage dequoy les presens sçachans signer, se sont sous signez, Amiel Consul, Rouger Syndic, Fossar Syndic, de Garrigues, Gualy, P. Lagarde, E. Delpas, de Garrigues, Pellisson, Alignier, Bonfil, Pellisson, Pastoury, Salauy, Villabones, Amiel du Conseil Politique, Amiel, P. Amiel, Amiel, Genton, P. Poujou, I. Garrigues, Viguier, Poujol, Iourde, Audoy, Venes, Montagut, la Rochelle, Garrigues, de Corbiere, H. Delpas. Ainsi signez au Registre, dont le present acte a esté tiré.

Ie Estienne Rizoul premier Consul de ladite ville estant à Castres à la tenuë del'Assemblée du Diocese y conuoeuee, ayant esté aduertey comme ledit sieur Galland deuoit arriuer en ceste dite ville, & du sujet de sa Commission, ie serois incontinent party dudit Castres: Et estant arriué audit Briateste, & veüe la susdite deliberation desjà prise, ie serois allé au logis dudit sieur Galland portant la liuree du Roy, accompagné d'Amiel mon Collegue, & de plusieurs autres principaux habitans, deuant lequel sieur ie me serois présenté, luy ayant déclaré que i'approuuois & ratifiois la susdite deliberation en tous ses poincts; luy protestant & iurant de vouloir viure & mourir pour le contenu d'icelle, sous le benefice des Edicts de sa Majesté: En foy dequoy ie me suis sousigné audit Briateste le susdit iour 15. Octobre

1627. Rizoul Consul. Ainsi signé à l'original,  
Rizoul Consul, Amiel Consul : du mande-  
ment desdits sieurs Consuls, Boufil Greffier,  
signé.

*Declaration des Deputez des Villes de Pamiez, de  
Mazeres, du Mas-d'azil, & de Carlat au  
Comté de Foix.*

Ce iourd'huy 18. d'Octobre 1627. Nous Au-  
guste Galland Cōseiller du Roy en ses Conseils  
Commisfaire pour sa Majesté en la Prouince du  
Languedoc, estât en nostre Hostel en la ville de  
Castres, nous sont venus treuuer les sieurs de la  
Fitte & de Bailly Deputez de la ville de Pamiez.  
Delma & d'Hubers Deputez de Mazeres, de  
Maysonnade & de la Porte Deputez de Sauer-  
dun, de Langlois & Deljonte Deputez du Mas-  
d'azil, De Braguier Deputé de Carlat au Cō-  
té de Foix ; lesquels nous ont dit, qu'estans  
en ceste ville du iour d'hier pour donner les as-  
seurances de la continuation de l'affection &  
fidelité du seruice du Roy : Ils ont desiré en  
nostre personne rendre au Roy, comme ils  
font en nos mains, tous tesmoignages de sub-  
mission & obeissance, Iurer & protester  
comme ils font deuant Dieu, qu'ils sont esloi-  
gnez de toutes factions & intelligences, soit  
auec, les Anglois, le Sieur de Rohan, ou au-  
tres, remettant l'esperance de leur conserua-  
tion en la parole & bonne grace du Roy, le-  
quel ils supplient tres-humblement les vouloir  
prendre en sa protection, conseruer en ses bō-  
nes graces, Nous prians nous vouloir trans-



porter le plustost que faire le pourrons au Côté Foix, pour par nos exhortations & representation des bonnes intentions du Roy, fortifier & assurer les esprits du peuple: Et de quelques foibles qui pourroient estre preuenus par des apparences faulses, mesmes pour aduifer au reestablissement de l'exercice de la Rel. pret, ref. en la ville de Foix. Sur quoy leur ayant fait entendre les bonnes intentions du Roy: & que le sujet des armes prises par sa Majesté, n'a autre but que de conseruer son Royaume contre l'vsurpation des Estrangers, & maintenir ses subjects sous le benefice des Edicts, mesmes les habitans de la Rochelle lors qu'ils auroient rendu tesmoignage du desistement d'intelligence & factions avec le Roy d'Angleterre, & tous autres: Leur auons promis de nous transporter audit Comté pour l'exécution de nostre Commission lors que de leur part aurions eu aduis de la seureté des chemins. En tesmoin dequoy ils ont avec nous signé la presente les iours & an que dessus: Signé, Galland, La Fite, Bailly, Hubert, Maisonnade, Langlois, Goutes, La-Porte, & Burguiere, ainsi signez.

*Declaration des Officiers & Consuls de Puylaurens  
faict en la Maison Commune.*

L'AN mil six cents ving-sept, & le Dimanche vingt-quatriesme iour du mois d'Octobre dās la Maison Cōmune de Puylaurens: Pardeuant Messieurs Maistres Ieremie Du Puy Conseiller du Roy, Iuge de Ville-longue, Iacques de Bar-



din Docteur ez Droicts, Dauid Pons, Iacques  
Bérthomier & Iean Pradelles Bourgeois &  
Consuls assemblée en Conseil general à son de  
cloche & trompette, les portes de la ville fer-  
mées. Messieurs Maistres Noé de Celleries  
Lieutenant Principal, Iean de Maugy Procu-  
reur du Roy, Iacques de la Curue Pasteur: No-  
bles Gaillard Ducibert, Iean de Saluinhol, Mi-  
chel de Bedos, Iudes d'Imbert, Iean de la Ro-  
que, Antoine de Terson, Paul Damaluy, Mai-  
stres Antóine Ytier, Philippe de Giueste, Iean  
de Riuiere, Barnaban de Faujaux, Iean Auger,  
Iean Galinier, Antoine de Mauzy Docteurs,  
les Sieurs Dauid de Terson, François de Ro-  
bert, Bert. de Perier, Iean Perier, Iean de Lar-  
ger, Pierre Gaches, Iean de Barrau, Iean de  
Bardin, Gaspar de Gardin, Iacques Barrau,  
Iean de Robert, Bourgeois: Maistres Pierre  
Vialas, Paul Darnaud, Antoine Caire, Iean  
Fargues, Notaires: Iacques Barbaraux: Dauid  
& Guillaume Lager Appoticaire, Pierré  
Barrau, François Barrau, Iacques Arondel,  
Antoine Gorder, Iean Pradelles marchands;  
M. Pierre de Perhmeja aussi Docteur, Syndic  
de la ville, & autres habitans d'icelle en grand  
nombre.

Lecture faicte de la Lettre dont il a pleu au  
Roy honorer ceste Communauté en datte du  
16. du passé: renduë par M. Galland Conseil-  
ler en ses Conseils, & son Enuoyé deuers cette  
Prouince, pour sur les occurences du temps  
present donner toute sorte d'assurance de ses  
bonnes & sincerés affections enuers ses subiects

de la Religion, de la continuation & iouyssance des Edicts de pacification, graces & concessions à eux accordées, Nous exhortans à la perseuerance des iustes & saintes resolutions cy-deuant prises sur le deuoir tant recommandable, que nous & tous bons François luy deuons & sommes obligez luy rendre: Et au contraire comme nousdeuons blasmer l'action des Anglois & de tous autres y adherans, ne tendans qu'à la ruine de l'Estat, & nous plonger dans toutes sortes de maux & miseres.

Et ouy ledit Sieur Galland en son ample créance en laquelle entr'autres choses apres auoir exposé les bonnes affections de sa Maiesté, il auroit par vne infinité de tres-belles & bonnes raisons fait entendre à vn chacun ce debuoir tant naturel, le bien & vtilité qu'il en arriue.

La Compagnie d'vne commune voix a loué Dieu, & regatié le Roy de la bonne volonté & affectiō qu'il a enuers ses subiets de la Religiō, & ceste ville en particulier, luy ayāt pleu l'honorer par diuerles fois de ses Lettres, avec assurance d'vn chacun Habitant en particulier, & tous en general, de vouloir viure & mourir pour l'entretien & obseruation des deliberations cy-deuant prises: ne se soustraire, ny diuertir en aucune cause, ny pretexte que ce soit de la tres-humble subiectiō, obeissance & fidelité que tous bons François luy doiuent, ainsi & comme plus à plain est porté par lesdites deliberations, Abjurant & detestant les armes & entreprises iniustes du Roy d'Angleterre, contre lesquelles & tous autres qui les voudroient

droient seconder contre le service du Roy, ils promettent employer leurs moyens & leurs vies; & mourir en la verité de ceste protestation: Comme aussi la Compagnie a remercié de bon cœur ledit Sieur Galand des bons témoignages d'affection qu'il luy a pleu luy rendre de la part de sa Majesté, & des siennes en particulier, dont ladite Compagnie luy reste grandement obligée.

P'ar extraiçt de l'original signé de tous lesdits Habitans .Et plus bas, Du-Puy Iuge, Bardin Consul, Pons Consul, Barthomines Consul.

Par le Conseil; Desquety, Secr. signé & scellé.

*Declaration des Consuls & habitans de  
la Bastide S. Amand.*

L'an 1627. le 4. iour du mois de Novembre avant midy, Regnant tres-Chrestien Prince Louis par la grace de Dieu Roy de France & de Navarre, dans la Maison commune de la Bastide saint Amand, Estans assemblez en Conseil general Messieurs Maistres Daniel Landes, & Iean Bourrel premier & troisieme Consuls de ladite ville, assistez des sieurs Estienne & Pierre Delandes, Daniel de Guassies, Paul Rey, Samuel Maynadie, compris David Rey, Iacques Denguados, Samuel de Capdelaue, Isaac Bose, Iean Donneret, Samuel Barry, Iacques Farret, Michel Fabre, Iacques Bose, Pierre Auerons, Isaac Armengau, Iean Martel, Moyse Denguados, & autres manans & habitans de ladite



Ville & Consulat. Veuës les Lettres du Roy adressantes ausdits sieurs Consuls & habitans de ceste ville, donnees à S. Germain en Laye le 16. Septembre dernier, signees, L o v y s : & plus bas, PHILIPPEAUX : Portas deputation du sieur Galland, Conseiller de sa Majesté en son Conseil d'Estat, pour nous faire entendre l'estat des affaires presentes, & asseurer tous ceux de la Religion qui se contiendront dans son obeyssance de l'exacte obseruation & execution de ses Edicts de Pacification: Et veuë la Lettre dudit sieur Galland enuoyee par le Porteur de Castres, dattee du 3. du courant, portant exposition de la creance & asseurâce, aussi de la bienveillance du Roy enuers ceux de ladite Religion, & de ses bonnes intentions sur ladite obseruation & execution de ses Edicts, avec exhortation à ceste Communauté de reïterer le serment de fidelité cy-deuant fait, pour le bien & seruice de sa Majesté, repos & tranquillité publique; Surquoy ayant fait lecture à haute voix desdites Lettres, & icelle entenduë par tous les assistans audit Conseil, a esté vnamiment deliberé, Que le Roy sera tres-humblement remercié en la personne du sieur Galland, du soin particulier qu'il luy plaist auoir de ceste Ville & Communauté, & de ses bonnes intentions à l'endroit d'icelle; laquelle iure & proteste solennellement par serment reïteratif, que chacun a fait. Vn apres l'autre, main leuee à Dieu, de vouloir demeurer fermes inuiolablement dans la tres-humble fidelité, subjection & obeyssance de sa Majesté.

55  
comme bons & vrais François, sous le benefi-  
ce de ses Edicts de Pacification, graces & con-  
cessions portees par iceux, sans s'en départir  
iamais en façon que ce soit, desaduouiant &  
detestant tous ceux qui viendront au contraire  
de ce que dessus: En foy & tesmoin dequoy,  
lesdits sieurs Consuls & assistans se sont signez  
à l'original de cét acte, escrit dans le Registre  
des deliberations de ceste ville par moy Iac-  
ques Rey Notaire Royal, & Greffier de ladite  
Maison Consulaire. Signé, Rey.

F I N.

*Extrait du Priuilege du Roy.*

P A R grace & Priuilege du Roy en datte du 19. No-  
uembre 1627. signé de Launay & seellé, il est permis  
à Estienne Richer Libraire à Paris d'imprimer *Les De-  
clarations des Consuls & habitans de Castres, Montauban,  
Briateste, & autres villes des Comtez d'Albigeois, de l'Au-  
raguais, & de Foix, sur leurs resolutions de demeurer en une  
ferme obeysance au seruice du Roy, Contre les armes & en-  
treprises, tant du Roy de la grande Bretagne, que de celles du  
Duc de Rohan.* Et deffenses sont faiçtes à tous Libraires,  
Imprimeurs, & autres, de quelque condition qu'ils  
soient, d'imprimer ou faire imprimer, vendre & distri-  
buer ledit liure pendant le temps & espace de trois ans,  
autres que de l'impression dudit Richer, à peine de mille  
liures d'amende, confiscation d'exemplaires, despens,  
dommages & interests, ainsi qu'il est plus à plain con-  
tenu esdites Lettres de Priuilege.

1727.

Corrigez au fol. 5. Maizances, & lisez Mazamet fol 6. Ba-  
chet, lisez Lager. f. 9. lig. 1. lsf. par la force l'injustice fol. 10.  
lig 4. lsf. representation. idem lig. 28. denonciation. f. 14. lig.  
23. Lager. idem 30. lsf. deuancé. f. 18. lig. 14. crédance. f. 10.  
lig. dernière, unanimement.





